

Gvangjsih Minzczuz Bau

Guenjbanh: Gvangjsih Bouxcuengh Swcigih Minzczuz Cunghgyau Swvu Veijyenzei

Okbanj: Gvangjsih Minzczuz Bause

Geiz neix 8 banj

广西民族报

Aenhauhokbanj: CN45-0036

B.2022

Nd.1 Ng.12

Liggaeuq sincouj nienz ndwenlab cocib

Geizsoq: Gungh daih 3507 geiz

Huz Cunhvaz Youq Gvangjsih Duzdauj Aen Yienh Ndaej Cungdenj Bangfuz Lajmbanj Saenqhwngh Guh Hong Gyamaenh Gya'gvangq Cwngzgoj Vutgunz Gunggeng

胡春华在广西督导乡村振兴重点帮扶县 巩固拓展脱贫攻坚成果工作

1 nyied 6 hauh daengz 9 hauh, Cunghgung Cunghyangh Cwngcigiz veijyen, Gozvuyen fucunglij Huz Cunhvaz daeuq Gvangjsih duzdauj aen yienh ndaej cungdenj bangfuz lajmbanj saenqhwngh guh hong gyamaenh gya'gvangq cwngzgoj vutgunz gunggeng, Swcigih Dangjveij suhgi Liuz Ningz caeuq Swcigih Dangjveij fusuhgi, swcigih cajsiz Lanz Denhliz faenbied bae buenx. Huz Cunhvaz giengzdih, aeu haeujlaeg gvancez gij cingsaenz ciji youqgaenj Siz Ginbingz cungsiuhgi, ciuq gij baijbouh Aen Hoih Hong Ginghci Cunghyangh caeuq Aen Hoih Hong Lajmbanj Cunghyangh, yungh banhfap rengzrdw raenhamq, giengiet soujmaenh diuz daejsienq mbouj hawj

dauq baenzgunz lai, doengzseiz aeu rengz cujyau cienq daengz hawj dieg vutgunz laebdaeb hwngfat bae, yienghneix cietsaed gyamaenh gya'gvangq cwngzgoj vutgunz gunggeng.

Huz Cunhvaz daeuqdaengz aen yienh ndaej cungdenj bangfuz lajmbanj saenqhwngh guekgya Liujcouh Si Sanhgyangh Duncuz Swciyen caeuq Yungzsuij Myauzcz Swciyen, Laizbinh Si Yinhwngz Yen caeuq aen yienh ndaej cungdenj bangfuz lajmbanj saenqhwngh Gvangjsih Gveilinz Si Lungzswng Gak Cuz Swciyen, bae canjnieb yenzgih, giyez, aen segih dieg senj youq, ranz vutgunz daengj, daengz dieg diuyenz fuengzre gamcaek bangfuz mbouj hawj dauq baenzgunz, vutgunz canjnieb hwngfat,

vunzlai vutgunz couhnieb laisou daengj cingzgvang.

Huz Cunhvaz naeuz, aeu doeksaed gij baijbouh gezcwz Dangj-cunghyangh, Gozvuyen, gyalai rengz haeujcoengh aen yienh ndaej cungdenj bangfuz lajmbanj saenqhwngh, gyavaiq gyalai rengz de gag hwngfat. Aeu caenh' itbouh laebndei caeuq doeksaed aen gihci gamcaek bangfuz fuengzre mbouj hawj dauq baenzgunz, gibseiz cawz fungyiemj huxndumj bae, baujmaenh mbouj hawj dauq baenzgunz lai. Aeu haengrengh hawj vunzlai vutgunz laebdaeb demsou, baujmaenh ndaw duenh gvaqdoh vunzlai vutgunz caeuq bouxguhnaz dangdieg, bouxguhnaz dieg vutgunz caeuq bouxguhnaz daengx guek sou-

haeuj beijlaeh laebdaeb daezsang. Aeu gyamaenh daezswng lajmbanj canjnieb miz daegsaek, gyavaiq hwngfat gizdieg canjnieb hawj beksingq baenzmiz, caenh' itbouh cukmaenh gij goekrag hwngfat. Aeu gaenxmaenx haeujcoengh okrog guh hong, gyavaiq diuzroen couhnieb vunzlai dieg senj youq, hawj goengrengh vunz vutgunz ndaej couhnieb onjdingh. Doeng sae doxgap daengj gij rengz bangfuz caeuq cwngcwz banhfap aeu comz coh coicaenh hwngfat, haengrengh cukmaenh gij giekyamaenh gya'gvangq cwngzgoj vutgunz gunggeng.

Duenh youq Gvangjsih, Huz Cunhvaz lij bae gaujcaz hong guh dangz, guh youz dem.

(Vei Hwngz)

Seizdoeng Nitsizsiz Dieghong Coux Labbet

融水：寒冬工地迎腊八

1 nyied 9 hauh, Cungguek Yizyej Gvangjsih Fwnghungshwh Yungz Cungz Gauhsuz Goengloh Hangmuzbu caeuq Yungzsuij Gijveij Genhveij doxcae z guh aen hozdung ngoenzdangj cawjdaez, aeu cuklabbet ndatfwtfwt, doxgaiq camnai cingz noengznwd, soengq bae hawj gyoengq vunzhong youq dieghong guh hong, gujli gyoengqde youq "dangdieg gvaqcieng", angqcoux ciet labbet daeuqdaengz.

(Lungz Linzci Lungz Yingyingj ingi)



Vanzgyangh Laebdaeb Doicaenh Hong Cauhlaeb Aen Yienh Yienghndei Minzczuz Doxgiet Cinbu

环江持续推进民族团结进步示范县创建工作

Geij bi neix daeuq, Vanzgyangh Mauznanzcuz Swciyen cienzmienh gvancez doeksaed minzczuz cwngcwz dangj, cauhamoq lohnaemj guh hong minzczuz, laebdaeb doicaenh hong cauhaeb aen yienh yienghndei minzczuz doxgiet cinbu.

Gyagiengz lingjdauj, caengz dem caengz guhsaed cwzyin guh hong cauhaeb. Aen yienh neix laebbaenz aen lingjdauj siujcuq guh hong cauhaeb youz yenveij, yen cwngfuj cujyau

lingjdauj dang cujjangj, dinghgeiz hai hoih yenzgiu hong minzczuz, doeksaed gak gaep dangjcwng "bouxdaez" cwzyin, cauhaeb gij gwzgiu hong minzczuz dangj seizdaih moq.

Lai cungj banhfap caez yungh, cauhaeb heiqfaenh senhconz noengznwd. Aen yienh neix yungh senhconz guh dazyinx gaenxmaenx bae cauhaeb, cietsaed doicaenh minzczuz doxgiet cinbu haeuj segih, haeuj hagdangz, haeuj gihgvanh daengj "caet haeuj"

hozdung, doengzseiz, gaenxmaenx laeb senhconz byauhyij, guh senhconz canjbanj daeuq cauhaeb heiqfaenh senhconz.

Dungjcouz caez guh, doidoengh gak minzczuz caezcaemh hwngfat mwnhoengh. Aen yienh neix itcig aeu minzczuz doxgiet dangguh saehhung gvendaengz daengxbuenz daeuq guh, gajgez ndei gyauyuz, couhnieb, yihliuz veiswng daengj gij vwndiz leih' ik beksingq ceiq haeujrwz, doi-

doengh hong beksingq minzczuz yamq hwnj mbaek lae moq.

Roengzrengh dajcauh, coicaenh minzczuz vwnzva, diyzuz saehnieb hwngfat cangqheiq. Aen yienh neix roengzrengh dajcauh binjbaiz "cunhvanj bak aen cunh cien aen mbanj", binaengz anbaiz 200 fanh maenz hawj lajmbanj guh ndwencieng vwnzyi vanjveij, cienzswnj minzczuz vwnzva.

(Veiz Yui)